



23. juli 2013

UKA 2013/78

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Atuarfik pillugu Inatsisartut inatsisaat nr. 15, 3. december 2012-imeersumi § 25, imm. 4-imi aamma § 36, imm. 1-imi aalajangersarneqartut naapertorlugit meeqqanut inuusuttunullu inerikkiartormikkut kingusissunut nerisaqarfigiutigalugu atuarfittut immikkut ilusiligaasumik suli ataatsimik pilersitseqqullugit ingerlatseqqullugillu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Agathe Fontain, Inuit Ataqatigiit)

Tunnngavilersuut:

Naluneqanngitsutut meeqqat atuarfianni meeqqat inuusuttuaqqallu atuartut immikkut atuarfimmik pisariaqartitsisut amerliartuinnarput. Atuartitsineq immikkut pilersarusiorneqarluni atuartitsinermik ingerlatsiffiusoq, meeqqat inuusuttuaqqallu arlaatigut innarluuteqarnertik pissutigalugu ullumikkut amigaatigaat.

Meeqqanut inuusuttunullu inerikkiartormikkut kingusisunut landskarsimit ullumikkut aningaasalersorneqarluni immikkut atuarfituaasoq tassaavoq Ado Lyngep Atuarfia Aasianniittoq. Taanna meeqqanut inuusuttunullu immikkut pisariaqartitsisunut nerisaqarfigiutigalugu atuarfittut immikkut ilusiligaavoq.

Atuartoqarporli Ado Lyngep Atuarfiata tigusinnaanngisaannik, taakkulu Qaqortumi Ivaqqaniinnissaminnut pitsaavallaarput, Ado Lyngep Atuarfianiinissaminnuli aamma sanngiippallaarlutik.

Ullumikkut immikkut ittumik allamik atuarfeqarnissaa pisariarsorinarpoq. Taamaasilluni annertusisamik immikkut atuartut meeqqat atuarfianniikkunnaarnermi pitsaasumik periarfissinneqarnissaat qulakkeerneqassamat.

Piffinni assigiinngitsuni ilisimavarput immikkut atuartitsinermik pisariaqartitsisut ikiliartunninnerat, siunissamilu amerliartuinnaartussaallutik.

Atuarfiit kommunenit ingerlanneqartut qivieraanni ilai immikkut atuarfittut akueri-saalllutik pitsaasumik ingerlapput; soorlu "Tungujortuaraq" Qaqortumiittoq aammalu "Specialcenter" Ilulissaniittoq nunarput tamakkerlugu aamma atuartuuteqartartut. Taakkuli pisariaqartitsineq annertusiartuinnavissoq eqqaasaatigigaanni naammaqqajannngillat.

Atuartut immikkut pisariaqartitsisut ilinniaqqissinnaanermi suliffeqalersinnaanermi nullu pitsaasumik sullinneqarnissaat piginnaaneqarnerulernissaasalu anguniagaqarnissaat pingaartipparput. Taamaasilluta innarluutillit inuiaqatigiinni allatulli inooqataalernissaat qulakkeerneaqullugu.

Immikkut annertusisamik atuartinneqartartut assiinnngitsunik innarluuteqartarnerat ilisimavarput. Ullumikkullu soorlu autissemik ADHD-milluunniit innarluutillit annertuumik sumiginnarneqarsimanertik pissutigalugu pitsaanagerusumik angusaqanngitsoorsimasut nalunngereerpagut.

Siunissami klassimi nalinginnaasumik atuaqataasinnaanngitsunik arlaatigut innarluute-qarneq pissutigalugu peqartuartsaavoq. Taamaattumik immikkut atuarfiit meeqqat ataasiakkaat innarluutaat aallaavigalugit immikkut atuartitsiviusinnaasut avaqqunneqarsinnaanngillat. Taamaattumik Atuarfik pillugu Inatsisartut inatsisaat nr. 15, 3. december 2012-imeersumi § 25, imm. 4-imi aamma § 36, imm. 1-imi aalajangersarneqartut malillugit, meeqqanut inuusuttunullu ineriartortermikkut kingusissunut nerisaqarfigiutigalugu atuarfittut immikkut ilusiligaasumik sulii ataatsimik pilersitsisoqassasoq siunnersuutigaa.

#### **Pisortanut aningaasatigut allaffissornikkullu kingunerisassat**

Immikkut atuartitsiviusartussaag nutaag pilersinneqartussaavoq taassumalu ingerlanneqarneranut landskarsi aningaasanik immikkoortitsisariaqarpoq. 2013-imi Aningaasanut Inatsimmi Ado Lyngep Atuarfianut ukiumut 8,1 mio. koruunit missiliorlugit ingerlatsinermut aningaasaliissutaapput. Takorloorneqarsinnaavoq immikkut atuartitsivissamat taamaaqataanik ingerlatsinermut aningaasaliissuteqartoqarsinnaasoq meeqqat inuusuttullu innarluutillit immikkut atuartinneqarnissamik pisariaqartitsisut 14-iniit 16-inut amerlassusillit ukiumut atuarfimmi aallartittalersinnaanerinik kinguneqartumik.

Sanaartortitsinissamat aningaasaliisoqassanersoq imaluunniit illuutigineqartoq pioreersoq atorluarneqassanersoq nalilersugassaavoq.

#### **Namminersorluni inuusutissarsiuteqarnermut aningaasatigut allaffissornik-kullu kingunerisassat**

Namminersorluni inuusutissarsiuteqarnermut sunniuteqassanngilaq.

#### **Innuttaasunut aningaasatigut allaffissornikkullu kingunerisassat**

Meeqqanut inuusuttunullu ineriartortermikkut kingusissunut immikkut ittumik atuartitsinikkut neqeroorutaasinnaasut annertusissapput.